

## UGOVORNE STRANE:

1. «UNIVERZITET U SARAJEVU - VETERINARSKI FAKULTET», Zmaja od Bosne 90, Sarajevo, kojeg zastupa dekan prof.dr. Nihad Fejzić (u daljem tekstu Fakultet) i
2. «BINGO EXPORT-IMPORT D.O.O.», Bosanska poljana bb, Tuzla, kojeg zastupa direktor Dario Nikolić (u daljem tekstu: Bingo),

zaključili su u Sarajevu dana 11.03.2016. godine:

## UGOVOR

### o nastavnoj, stručno-tehnološkoj, naučnoj i razvojnoj saradnji

## I PREDMET I CILJEVI UGOVORA

### Član 1.

Svrha ovog Ugovora je regulisanje uslova i načina nastavne, stručno-tehnološke, naučne i razvojne saradnje između ugovornih strana.

Glavna područja saradnje u okviru ovog Ugovora će biti sljedeća:

- edukacija studenata svih ciklusa studija fakulteta;
- izvođenje praktične nastave, obuke i treninga studenta fakulteta u objektima primarne proizvodnje i prerade;
- ispitivanje i utvrđivanje zdravstvenog statusa jata i grla na farmama i provođenje svih vrsta laboratorijskih analiza za osiguranje zdravlja;
- ispitivanje i osiguranje zdravstvene ispravnosti sirovina i namirnica (fizikalno hemijske, mikrobiološke i pretrage na prisustvo rezidua) u skladištenju i maloprodaji;
- izdavanje ekspertnih mišljenja i redovne posjete proizvodnim, prerađivačkim i maloprodajnim objektima;
- obuka, trening i stručno savjetodavna podrška veterinarskoj službi i upravi kompanije u vezi razvojnih projekata u proizvodnji hrane;
- promocija razvojnih projekata na domaćim i međunarodnim stručnim konferencijama;
- međusobna saradnja na jačanju tehničkih i stručnih kapaciteta, zajedničko apliciranje na međunarodne i EU razvojne projekte iz oblasti stočarske proizvodnje, zdravlja i dobrobiti životinja, sigurnosti hrane i zaštite zdravlja potrošača.

## II OBAVEZE UGOVORNIH STRANA

### Član 2.

Ugovorna strana «Bingo» će na osnovu ovog ugovora omogućiti pristup studentima, nastavnicima i saradnicima Veterinarskog fakulteta Sarajevo na svoje farme i proizvodne objekte, u skladu sa planom i programom nastave i naučno tehnološke saradnje koji se dostavlja na početku akademske godine.

Posebno, putem ovog Ugovora će se:



- obezbjediti nesmetan pristup akademskom osoblju i studentima Fakulteta u krug farme i proizvodne pogone kako bi obavili praktičnu nastavu, kao i sve druge aktivnosti koje će omogućiti provođenje edukacije studenata po nastavnom planu i programu uz prethodni dogovor sa veterinarskom službom;
- jednom godišnje u pismenoj formi dostavljati Fakultetu izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u dijagnostičkim, preventivnim i kurativnim tretmanima u skladu i na način kako je to propisano zakonskim propisima i standardima veterinarske struke.

### Član 3.

U cilju realizacije ovog Ugovora Veterinarski fakultet Sarajevo se obavezuje da će za «Bingo» obavljati:

- dijagnostičke, preventivne i kurativne tretmane za koje veterinarska služba farmi nije osposobljena;
- na osnovu zahtjeva veterinarske službe farme vršiti kontrolu kvalitete, sirovinskog sastava i rezidua toksičnih supstanci u stočnoj hrani koja se koristi u ishrani grla na farmama;
- obavljati laboratorijske analize i dijagnostičke pretrage uzoraka sa farmi u skladu i na način kako je to propisano programima kontrole bolesti koje su regulisane zakonskim propisima;
- obavljati kontrolu proizvodnje, kvaliteta i zdravstvene ispravnosti sirovina i namirnica, u skladu sa važećim propisima;
- obavljati i druge dijagnostičke i laboratorijske pretrage koje zahtjeva naručilac u skladu sa zahtjevima nadležnih kontrolnih tijela i važećih zakonskih propisa;
- izdavati stručna mišljenja, provoditi ekspertize i ekspertno podržavati razvojne projekte iz oblasti stočarstva, proizvodnje hrane i sigurnosti hrane.

### Član 4.

Temeljem ovog Ugovora, i opredjeljenosti strana za dugoročnu saradnju sa ciljem razvoja kapaciteta i ispunjavanja poslovnih ciljeva, posebnim aneksima će se regulisati međusobne finansijske obaveze u dijelu saradnje koja se odnosi na stručno operativni rad i korištenje laboratorijskih i ekspertnih kapaciteta Veterinarskog fakulteta Sarajevo koji se stavljaju na raspolaganje «Bingo» d.o.o. Sarajevo. Ankesi su sastavni dio ovog Ugovora.

### Član 5.

Kao kontakt osobe za realizaciju ovog ugovora u ime Veterinarskog fakulteta Sarajevo određuju se:

- **Nastavna pitanja:** prof. dr Rizah Avdić, prodekan za nastavu
- **Sigurnost hrane:** prof.dr Muhamed Smajlović
- **Zdravstvena zaštita životinja:** Prof.dr Hajrudin Beširović
- **Peradarstvo i zoohigijena:** prof.dr Abdulah Gagić
- **Klinike:** prof.dr Amir Zahirović
- **Stočarstvo:** prof.dr Vedad Šakić
- **Stočna hrana i tehnologija:** Prof.dr Ćazim Crnkić



### III PRELAZNE I ZAVRŠNE ODREDBE

#### Član 5.

Ugovor se zaključuje na period od četiri (4) godine od dana potpisivanja istog i može se produžiti na osnovu pismene saglasnosti ugovorenih strana.

#### Član 6.

Izmjene ovog Ugovora mogu se vršiti uz saglasnost obje ugovorne strane i to putem aneksa Ugovora.

#### Član 7.

Eventualno sporna pitanja iz ovog Ugovora, ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost suda u Sarajevu.

#### Član 8.

Ovaj Ugovor sačinjen je u četiri (4) istovjetna primjerka od kojih svaka ugovorna strana nakon potpisivanja i ovjere zadržava po dva (2) primjerka.

#### Član 9.

Ugovorne strane su saglasne da ovaj Ugovor i obaveze koje proističu iz njega stupaju na snagu danom potpisivanja i ovjere od strane ovlaštenih predstavnika ugovornih strana.

**UNIVERZITET SARAJEVO  
VETERINARSKI FAKULTET**

prof.dr Nihad Fejzić, dekan

Broj: 07-04-28-21/



**BINGO D.O.O. TUZLA**

Dario Nikolić, direktor

Broj: 1334/16



*Jahmed*